

# La BCG lantscha in nov fond strategic

Dapli schanzas da rendita a lunga vista cun il nov fond strategic BCG gudogn da chapital

Cuira, ils 4 da november 2019 – Il nov fond strategic da la Banca Chantunala Grischuna (BCG) investescha en aczias en tut il mund e pussibilitescha pli grondas schanzas da rendita. Per investidras ed investiders cun in orizont d'investiziun a lung termin e la capacita da ristga correspondent a è il fond adattà sco part dal provediment personal.

En vista ad ina fasa da tschains bass pli lunga daventa l'investir in'alternativa attractiva al spargnar. Il «GKB (CH) Strategiefonds Kapitalgewinn» è adattà per investidras ed investiders che vulan far gudogns da chapital a lung termin e ch'èn pronts da ristgar da temp en temp grondas fluctuaziuns dals curs.

### Selecziun d'aczias sistematica e durabla sco motor da rendita

Il «GKB (CH) Strategiefonds Kapitalgewinn» investescha en aczias en tut il mund. Grazia a la gronda diversificaziun tenor regions, pajais e secturs participeschan investidras ed investiders al svilup da la valur dals martgads d'aczias globals. Il «GKB (CH) Strategiefonds Kapitalgewinn» investescha en ils fonds d'anzia BCG che han success e tira a niz per soluziuns d'investiziun specificas l'expertisa da partenaris spezialisads. Cun agid d'in model da validaziun quantitativ da l'Investment Center BCG fan ins la selecziun dals titels singuls. Sco per tut las soluziuns d'investiziun BCG resguardain nus era tar il «GKB (CH) Strategiefonds Kapitalgewinn» ils criteris da persistenza ESG, pia aspects che pertutgan l'ambient, ils fatgs socials e la gestiun d'interpresa. Interpresas cun in rating da persistenza fitg nausch vegnan exclusas. Ulteriurs criteris da selecziun impurtants èn la qualita, la validaziun sco er il svilup dals curs e dal gudogn d'ina interpresa. Cun il nov [fond strategic](#) amplifitgescha la BCG sia [paletta da fonds d'investiziun](#) cun in ulteriur element.

Enfin la fin da schaner 2020 pon ins sutscriver il «GKB (CH) Strategiefonds Kapitalgewinn» senza ina cumissiu d'emissiu.

### Fonds strategics sco soluziun da provediment alternativa

Il nov «GKB (CH) Strategiefonds Kapitalgewinn» pon ins era duvra en il rom d'ina soluziun da provediment diversifitgada. Pervia da las schanzas da rendita pli grondas ed avantatgs fiscals attractivs è el in'alternativa ad in Conto spargnar 3. El amplifitgescha pia la [paletta da fonds da provediment](#) da la banca. Las investiziuns en ils fonds pon ins far cun in pajament singul u a moda cumadaivla cun in'incumbensa permanenta. Suentar la pensiu pon ins surpigliar il fond strategic senza taxas da transacziun en il deposit ordinari.

### Investment Center BCG – cumpetenza d'investir en chasa

L'[Investment Center](#) intern fixescha la strategia d'investiziun da la BCG. Spezialistas e spezialists cumpetents procuran che tut las infurmaziuns relevantas davart ils martgads da finanzas stettian da tut temp a disposiziun a las cussegliastras ed als cussegliastrs. Il team da rodund 40 persunas observa ed analisescha plinavant ils eveniments als martgads da finanzas globals e valitescha ils svilupps dals martgads. Investiders privats ed instituziunals profiteschon da soluziuns d'investiziun individualas e d'ina purschida dad agens [fonds d'investiziun](#).

**Contact per ils collavuratur da medias:**

Banca Chantunala Grischuna, Medias & Investor Relations, chascha postala, 7001 Cuir

Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11

Plutarch Chiotopulos, [plutarch.chiotopulos@gkb.ch](mailto:plutarch.chiotopulos@gkb.ch), telefon +41 81 256 83 13

La Banca Chantunala Grischuna sin:

[gkb.ch/medien](http://gkb.ch/medien) | [Twitter](#) | [Facebook](#) | [Instagram](#) | [YouTube](#) | [Flickr](#) | [Xing](#)

---

**Banca Chantunala Grischuna – il leader en il Grischun**

La Banca Chantunala Grischuna porscha tut quai ch'i dovra per ina banca universala moderna – per persunas privatas, l'economia ed il maun public. La banca occupa 999 collavuraturas e collavuratur (stadi dals 30-06-2019). En il chantun Grischun cun sias numerusas vals e pliras linguas, è l'interpresa represchentada cun 52 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaquint semestril preschenta ella cun ina summa da bilantscha da CHF 26,6 milliardas in gudogn dal concern da CHF 100,5 milliuns. Il scrit da participaziun BCG è quotà a la bursa dapi ils 10 da settember 1985.

**Termins**

Quint annual 2019: 7 da favrer 2020

Radunanza dals participants: 25 d'avrigl 2020

---